Cotton and wool.

A song created with the more traditionally-minded fetishist in mind. The tune I think is "The Midlothian Pipe Band".

Some lust for a lassie enveloped in lace, Fair enough, sic a fantasy's fine in its place, But me, I wis learnt in a different school; Gie me a wumman in cotton an wool!

The poets an painters an folk o that ilk Dream o nymphs lichtly veiled in diaphanous silk. No for me ower such classical visions tae drool; Gie me a wumman in cotton an wool!

The keenest o pleisures for some wuid occur Wi a cosseted creature enfolded in fur. A broon bear their excitement micht equally fuel, But gie me a wumman in cotton an wool!

Yer sadists an masochists wistfully blether O stern dominatrixes sheathed in black leather, But handcuffs an whips aye seem needlessly cruel; Juist gie me a wumman in cotton an wool!

The scarlet an purple o shimmerin satin Enhance the allure o the passionate Latin; Wi such Casanova micht weel play the fool, But gie me a wumman in cotton an wool!

In the daft days o youth that I've never forgotten, I first got ma hands under warm wool an cotton. Believe me, life never will pall when ye pull A fine lookin wumman in cotton an wool!